

Հավելված
Հաստատվել է ՀՀ հաշվեքննիչ պալատի
2022 թվականի մայիսի 5-ի թիվ 122 -Ա որոշմամբ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



ԸՆԹԱՑԻԿ ԵԶՐԱԿԱՑՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ
ԱՇԽԱՏԱԿԱԶՄՈՒՄ 2021 ԹՎԱԿԱՆԻ ՊԵՏԱԿԱՆ ԲՅՈՒՋԵԻ
ՏԱՐԵԿԱՆ ԿԱՏԱՐՄԱՆ ՀԱՇՎԵՔՆՆՈՒԹՅԱՆ ԱՐԴՅՈՒՆՔՆԵՐԻ
ՎԵՐԱԲԵՐՅԱԼ

2022

ԲՈՎԱՆԴԱԿՈՒԹՅՈՒՆ

I.	ՆԵՐԱԾԱԿԱՆ ՄԱՍ	3
II.	ՀԱՊԱՎՈՒՄՆԵՐԻ ՑԱՆԿ.....	6
III.	ԱՄՓՈՓԱԳԻՐ	7
IV.	ՀԱՇՎԵՔՆՆՈՒԹՅԱՆ ՀԻՄՆԱԿԱՆ ԱՐԴՅՈՒՆՔՆԵՐ	9
V.	ՀԱՇՎԵՔՆՆՈՒԹՅԱՆ ՕԲՅԵԿՏԻ ՖԻՆԱՆՍԱԿԱՆ ՑՈՒՑԱՆԻՇՆԵՐ.....	10
VI.	ՀԱՇՎԵՔՆՆՈՒԹՅԱՄԲ ԱՐՁԱՆԱԳՐՎԱԾ ԱՅԼ ՓԱՍՏԵՐ	13
VII.	ՀԵՏՀՍԿՈՂԱԿԱՆ ԳՈՐԾԸՆԹԱՑ.....	29
VIII.	ԱՌԱՋԱՐԿՈՒԹՅՈՒՆՆԵՐ.....	30
IX.	ՀԱՎԵԼՎԱԾՆԵՐ	31

I. ՆԵՐԱԾԱԿԱՆ ՄԱՍ

Հաշվեքննության հիմքը

ՀՀ հաշվեքննիչ պալատի 2020 թվականի նոյեմբերի 20-ի «ՀՀ հաշվեքննիչ պալատի 2021 թվականի գործունեության ծրագիրը հաստատելու մասին» թիվ 172-Ա որոշման Առաջին մասի 13-րդ կետ:

ՀՀ հաշվեքննիչ պալատի 2022 թվականի փետրվարի 4-ի «ՀՀ վարչապետի աշխատակազմում 2021 թվականի պետական բյուջեի տարեկան կատարման հաշվեքննության առաջադրանքը հաստատելու մասին» թիվ 34-Ա որոշում:

Հաշվեքննության օբյեկտը

ՀՀ վարչապետի աշխատակազմ:

Հաշվեքննության առարկան

2021 թվականի պետական բյուջեի մուտքերի ձևավորման և ելքերի իրականացման կանոնակարգված գործունեություն:

Հաշվեքննության չափանիշները

1. «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենք:

2. «Ներքին աուդիտի մասին» ՀՀ օրենք:

3. ՀՀ կառավարության 30.12.2020թ. «ՀՀ 2021 թվականի պետական բյուջեի կատարումն ապահովող միջոցառումների մասին» թիվ 2215-Ն որոշում:

4. ՀՀ կառավարության 27.05.2021թ. ««Հայաստանի Հանրապետության 2021 թվականի պետական բյուջեի մասին» օրենքում վերաբաշխում ու լրացում, Հայաստանի Հանրապետության կառավարության 2020 թվականի դեկտեմբերի 30-ի N 2215-Ն որոշման մեջ փոփոխություններ ու լրացումներ կատարելու և Հայաստանի Հանրապետության վարչապետի աշխատակազմին գումար հատկացնելու մասին» N 881-Ն որոշում:

Հաշվեքննությունն ընդգրկող ժամանակաշրջանը

2021 թվականի հունվարի 1-ից մինչև 2021 թվականի դեկտեմբերի 30-ը ներառյալ:

**Հաշվեքննության
կատարման
ժամկետը**

2022 թվականի փետրվարի 14-ից մինչև 2022 թվականի ապրիլի 30-ը:

**Հաշվեքննության
մեթոդաբանությունը**

Հաշվեքննությունն իրականացվել է «Հաշվեքննիչ պալատի մասին» ՀՀ օրենքի, Հաշվեքննիչ պալատի ֆինանսական և համապատասխանության հաշվեքննության մեթոդաբանությունների, Պետական բյուջեի երեք, վեց, ինն ամիսների և տարեկան կատարման հաշվեքննության ուղեցույցի համաձայն:

Իրականացվել է ֆինանսական և համապատասխանության հաշվեքննություն, որի ընթացքում կիրառվել են հարցում, արտաքին հաստատում, վերլուծական ընթացակարգ, վերահաշվարկ, վերակատարում ընթացակարգերը:

Սույն հաշվեքննության իրականացման մեթոդաբանությունը ենթադրում է եռամսյակային միջանկյալ (պետական բյուջեի երեք, վեց, ինն ամիսների և տարեկան կատարման) հաշվեքննությունների իրականացում և դրանց արդյունքների, այդ թվում՝ հայտնաբերված և հաշվեքննությունն ընդգրկող ժամանակաշրջանի ավարտի դրությամբ դեռևս չվերացված անհամապատասխանությունների կուտակային ներկայացում պետական բյուջեի տարեկան կատարման հաշվեքննության ընթացիկ եզրակացությունում: Սույն ծրագրային կետի երեք, վեց և ինն ամիսների կատարման հաշվեքննությունների ընթացիկ եզրակացությունները հրապարակված են ՀՀ հաշվեքննիչ պալատի կայք-էջում,

2021 թվականի երեք ամիսների՝

<http://armsai.am/sites/default/files/program/2021/varchashx3.pdf>,

2021 թվականի վեց ամիսների՝

<http://armsai.am/sites/default/files/program/2021/pm6.pdf>,

2021 թվականի ինն ամիսների՝

<http://armsai.am/sites/default/files/program/2022/pm9.pdf>:

**Հաշվեքննությունն
իրականացրած
կառուցվածքային
ստորաբաժանում**

Հաշվեքննությունն իրականացվել է ՀՀ հաշվեքննիչ պալատի վեցերորդ վարչության կողմից:

2021 թվականին վարչության աշխատանքները համակարգել է ՀՀ հաշվեքննիչ պալատի նախագահ Լևոն Յոլյանը,

ՀՀ հաշվեքննիչ պալատի նախագահի 22.12.2021թ. «Հաշվեքննիչ պալատի կառուցվածքային ստորաբաժանումների աշխատանքների համակարգումը Հաշվեքննիչ պալատի անդամների միջև բաշխելու մասին» թիվ 529-Ա հրամանի համաձայն վարչության աշխատանքները համակարգում է ՀՀ հաշվեքննիչ պալատի անդամ Կարեն Առուստամյանը:

II. ՀԱՊԱՎՈՒՄՆԵՐԻ ՑԱՆԿ

ՊՄԳ	Պետություն-մասնավոր գործընկերություն
ԾԿԳ	Ծրագրի կառավարման գրասենյակ
ԱԽՈԵ	Առևտրի խթանման և որակի ենթակառուցվածքներ
ՀՀՀՀՍ	Հանրային հատվածի հաշվապահական հաշվառման ստանդարտ

III. ԱՄՓՈՓԱԳԻՐ ¹

ՀՀ հաշվեքննիչ պալատի 2020 թվականի նոյեմբերի 20-ի թիվ 172-Ա որոշմամբ հաստատված ՀՀ հաշվեքննիչ պալատի 2021 թվականի գործունեության ծրագրի առաջին մասի՝ 2021 թվականի պետական բյուջեի երեք, վեց, ինն ամիսների և տարեկան կատարման հաշվեքննության համաձայն իրականացվել է ՀՀ վարչապետի աշխատակազմի (այսուհետ՝ Աշխատակազմ) պետական բյուջեի մուտքերի ձևավորման և ելքերի իրականացման կանոնակարգված գործունեության ֆինանսական և համապատասխանության հաշվեքննություն:

ՀՀ վարչապետի աշխատակազմում 2021 թվականի պետական բյուջեի երեք, վեց, ինն ամիսների կատարման հաշվեքննության արդյունքում արձանագրվել է թվով 5 անհամապատասխանություն, որից 4-ը Աշխատակազմի կողմից վերացվել է, իսկ 1-ն ընդունվել է ի գիտություն: Միաժամանակ՝ ներկայացվել է առաջարկություն, որն Աշխատակազմն ընդունել է և պատրաստ է կատարել համապատասխան քայլեր հարցի լուծման հետ կապված (առավել մանրամասն տեղեկատվությունը ներկայացված է N1 և N2 հավելվածներով):

Աշխատակազմում 2021 թվականի պետական բյուջեի տարեկան կատարման նկատմամբ հաշվեքննությունն իրականացվել է նշանակալի հաշիվների շրջանակներում՝ ելնելով նշանակալի հաշիվների հաշվեքննության նվազագույն ծածկույթի հանրագումարից:

Հաշվեքննությունն ընդգրկող ժամանակաշրջան	Նվազագույն ծածկույթ, հազ. դրամ	Հաշվեքննության շրջանակ	
		Հաշվեքննված գումար, հազ. դրամ	Նշանակալի հաշիվներ
Երեք ամիս	2,641,723.36	2,743,320.29	6
Վեց ամիս	6,571,996.44	6,635,696.75	8
Ինն ամիս	9,715,756.84	9,876,864.11	9
Տարի	13,512,989.21	14,164,290.41	10

¹ Հաշվեքննիչ պալատի մասին ՀՀ օրենքի 35-րդ հոդվածի 3-րդ մասի համաձայն հաշվեքննության արդյունքներն արձանագրվել և 13.04.2022թ. ներկայացվել է հաշվեքննության օբյեկտի ղեկավարին, որը հաշվեքննության արձանագրությունն ստանալուն հաջորդող 10 օրվա ընթացքում համաձայնության դեպքում ստորագրում է այն կամ գրավոր ներկայացնում է առարկություններ և բացատրություններ: ՀՀ վարչապետի աշխատակազմի կողմից 26.04.2022թ-ին տրամադրվել է բացատրություն:

Հաշվեքննության իրականացման համար ստացվել են բավարար տեղեկատվություն, խեղաթյուրումներ և անհամապատասխանություններ չեն հայտնաբերվել:

Հաշվեքննությամբ արձանագրվել են բացահայտման ենթակա հետևյալ տեղեկատվությունները.

1136-31004 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագրի շրջանակներում սարքավորումների ձեռքբերում» միջոցառման 5129 «Այլ մեքենաներ և սարքավորումներ» հոդվածի իրականացման շրջանակներում չեն պահպանվել ՀՀ էկոնոմիկայի նախարարության, ՀՀ վարչապետի աշխատակազմի և «Այսոլուշն» ՍՊԸ-ի միջև 31.05.2021թ. կնքված TPQI-G-3.1.2.2/R պայմանագրի «Գնացուցակ և մատակարարման ժամանակացույց» բաժնի 4-րդ և 9-րդ կետերի պահանջները՝ կապված մատակարարման և վճարման ժամկետների հետ:

1136-11011 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր» միջոցառման 4521 «Սուբսիդիաներ ոչ պետական, ոչ ֆինանսական կազմակերպություններին» հոդվածի իրականացման շրջանակներում չի պահպանվել Աշխատակազմի և «Հայաստանի պետական հետաքրքրությունների ֆոնդ» ՓԲԸ-ի միջև 15.05.2020թ. կնքված դրամաշնորհի հապկացման TPQI-ANIF-OP պայմանագրի 3.6 կետի պահանջը՝ կապված հաշվեկապությունների ներկայացման ժամկետների հետ:

1018-32001 «Համաշխարհային բանկի աջակցությամբ իրականացվող Պետական հատվածի արդիականացման երրորդ ծրագրի շրջանակներում էլեկտրոնային կառավարման համակարգերի և սարքավորումների ձեռքբերում» միջոցառման 5129 «Այլ մեքենաներ և սարքավորումներ» հոդվածի իրականացման շրջանակներում պարզաբանման կարիք ունեն հարկային գործակալների և ոչ ռեզիդենտների փոխհարաբերությունները:

1136-11011 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր» միջոցառման 4521 «Սուբսիդիաներ ոչ պետական ոչ ֆինանսական կազմակերպություններին» հոդվածի իրականացման շրջանակներում Աշխատակազմի և «Ձեռնարկությունների ինկուբատոր» հիմնադրամի միջև կնքված պայմանագրի հետ կապված տարեկան ծախսերը թերի են կատարվել կամ կատարվել են 41%-ով:

1136-11001 «Ծառայությունների, ծրագրերի համակարգում», 1213-11001 «Առողջապահության ոլորտում վերահսկողության ծառայություններ» և 1213-11007 «Սննդամթերքի անվտանգության բնագավառում վերահսկողության իրականացման ծառայություններ» միջոցառումների 4111 «Աշխատողների

աշխատավարձեր և հավելավճարներ» հոդվածներով առկա է թափուր հաստիքների համալրման հետ կապված հսկողության գործընթացի թերացում:

Հաշվեքննության շրջանակում ուսումնասիրվել են նաև Աշխատակազմի 2021 թվականի պետական բյուջեի ելքային ծրագրերի և միջոցառումների գծով արդյունքային (ոչ ֆինանսական) ցուցանիշների կատարման վերաբերյալ հաշվետվությունները և ներքին աուդիտի գործառույթների իրականացումը, որոնք ներկայացվել են սույն ընթացիկ եզրակացության VI բաժնում:

Արձանագրվել են հանրային հատվածի հաշվապահական հաշվառման համակարգի բարելավումներ: 2020 թվականի հաշվետու ժամանակահատվածի ուսումնասիրության արդյունքում արձանագրված՝ պայմանով ստացված ակտիվների հետ կապված հետաձգված հասույթի, փոքրաթեք և արագամաշ առարկաների և որպես գործակալ ստացված միջոցների հաշվառման շրջանակներում արձանագրված հիմնահարցերը 2021 թվականին լուծում են ստացել, և նախորդող հաշվետու ժամանակահատվածի համեմատությամբ բարելավվել է հաշվապահական հաշվառման վարման համակարգը:

IV. ՀԱՇՎԵՔՆՆՈՒԹՅԱՆ ՀԻՄՆԱԿԱՆ ԱՐԴՅՈՒՆՔՆԵՐ

Հաշվեքննության իրականացման համար հաշվեքննվող օբյեկտից ստացվել է բավարար տեղեկատվություն:

Խեղաթյուրումներ և անհամապատասխանություններ չեն հայտնաբերվել: Առկա են բացահայտման ենթակա տեղեկատվություններ, որոնք ներկայացված են «Հաշվեքննությամբ արձանագրված այլ փաստեր» VI բաժնում:

V. ՀԱՇՎԵՔՆՆՈՒԹՅԱՆ ՕՐՅԵԿՏԻ ՖԻՆԱՆՍԱԿԱՆ ՑՈՒՑԱՆԻՇՆԵՐ

Աշխատակազմի 2021 թվականի պետական բյուջեի տարեկան պլանը հաստատվել է 27,329,118.80 հազ. դրամի, ճշտված պլանը՝ 26,026,300.03 հազ. դրամի չափով: Ֆինանսավորումը կազմել է 24,212,727.50 հազ. դրամ, փաստը (դրամարկղային ծախսը)՝ 23,702,459.53 հազ. դրամ, փաստացի ծախսը՝ 23,468,808.26 հազ. դրամ: Հաշվետու ժամանակահատվածի ճշտված պլանով ծախս է նախատեսվել 15 ծրագրի շրջանակում 63 միջոցառման համար (տես՝ հավելված N3):

Հաշվետու ժամանակահատվածում ճշտված պլանի նկատմամբ դրամարկղային ծախսը կազմել է 91.07%:

Հիմք ընդունելով ՀՀ հաշվեքննիչ պալատի 2020 թվականի մայիսի 26-ի թիվ 93-Լ որոշումը և հաշվի առնելով տարեկան հաշվեքննության 13,512,989.21 հազ. դրամ նվազագույն ծածկույթը, ընտրվել է 10 նշանակալի հաշիվ՝ 14,164,290.41 հազ. դրամ ընդհանուր գումարով:

Ստորև ներկայացվել է հաշվեքննության ենթակա նշանակալի հաշիվները.

Աղյուսակ 1

Հաշվեքննությամբ ընդգրկված միջոցառումների վերաբերյալ

հազ. դրամ

Միջոցառում, հոդված		Հաշվետու ժամանակահատվածի պլան	Հաշվետու ժամանակահատվածի ընտրված պլան	Ֆինանսավորում	Փաստ	Փաստացի ծախս
1018-32001	Համաշխարհային բանկի աջակցությամբ իրականացվող Պետական հատվածի արդիականացման երրորդ ծրագրի շրջանակներում էլեկտրոնային կառավարման համակարգերի և սարքավորումների ձեռքբերում	2,361,597.30	3,390,882.30	347,000.00	3,227,612.72	3,227,612.72
	5129 - Այլ մեքենաներ և սարքավորումներ	2,361,597.30	3,390,882.30	347,000.00	3,227,612.72	3,227,612.72
1136-11001	Ծառայությունների, ծրագրերի համակարգում	3,369,984.50	3,239,453.73	3,239,453.73	3,209,914.42	3,207,687.29
	4111 - Աշխատողների աշխատավարձեր և հավելավճարներ	2,621,099.10	2,490,513.23	2,490,513.23	2,461,382.26	2,459,155.13
	4112 - Պարգևատրումներ, դրամական խրախուսումներ և հատուկ վճարներ	599,551.30	599,551.30	599,551.30	599,142.96	599,142.96
	4113 - Քաղաքացիական, դատական և պետական այլ ծառայողների պարգևատրում	149,334.10	149,389.20	149,389.20	149,389.20	149,389.20
1136-11011	Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր	3,114,303.60	2,914,303.60	667,000.00	2,172,436.87	2,172,436.87
	4521 - Սուբսիդիաներ ոչ պետական ոչ ֆինանսական կազմակերպություններին	3,114,303.60	2,914,303.60	667,000.00	2,172,436.87	2,172,436.87
1136-11015	Պետական աջակցություն Հայաստանի Հանրապետությունում և արտերկրում ներդրումային և ՊՄԳ ծրագրերի իրականացմանը	-	867,020.00	867,020.00	867,020.00	867,020.00

	4639	- Այլ ընթացիկ դրամաշնորհներ	-	867,020.00	867,020.00	867,020.00	867,020.00
1136-31004		Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագրի շրջանակներում սարքավորումների ձեռքբերում	2,248,829.90	1,546,429.90	219,801.12	1,358,896.74	1,358,896.74
	5129	- Այլ մեքենաներ և սարքավորումներ	2,248,829.90	1,546,429.90	219,801.12	1,358,896.74	1,358,896.74
1213-11001		Առողջապահության ոլորտում վերահսկողության ծառայություններ	928,520.00	869,253.30	869,253.30	863,900.27	863,834.04
	4111	- Աշխատողների աշխատավարձեր և հավելավճարներ	928,520.00	869,253.30	869,253.30	863,900.27	863,834.04
1213-11007		Սննդամթերքի անվտանգության բնագավառում վերահսկողության իրականացման ծառայություններ	908,853.70	912,654.86	912,654.86	912,654.53	926,036.27
	4111	- Աշխատողների աշխատավարձեր և հավելավճարներ	908,853.70	912,654.86	912,654.86	912,654.53	926,036.27
1223-11001		Հայաստանի Հանրապետության շահերի ներկայացմանն ու պաշտպանությանն ուղղված փաստաբանական, իրավաբանական ծառայություններ	599,324.20	1,693,955.60	1,573,101.04	1,551,854.86	1,551,854.86
	4861	- Այլ ծախսեր	599,324.20	1,693,955.60	1,573,101.04	1,551,854.86	1,551,854.86
ԸՆԴԱՄԵՆԸ			13,531,413.20	15,433,953.29	8,695,284.05	14,164,290.41	14,175,378.79

VI. ՀԱՇՎԵՔՆՆՈՒԹՅԱՄԲ ԱՐՁԱՆԱԳՐՎԱԾ ԱՅԼ ՓԱՍՏԵՐ

1. 1136 «ՀՀ վարչապետի լիազորությունների իրականացման ապահովում» ծրագրի 31004 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագրի շրջանակներում սարքավորումների ձեռքբերում» միջոցառման 5129 «Այլ մեքենաներ և սարքավորումներ» հոդվածով

առկա է անհամապատասխանություն ՀՀ էկոնոմիկայի նախարարության, ՀՀ վարչապետի աշխատակազմի և «Այսոլուշնս» ՍՊԸ-ի միջև 31.05.2021թ. կնքված TPQI-G-3.1.2.2/R պայմանագրի «Գնացուցակ և մատակարարման ժամանակացույց» բաժնի 4-րդ և 9-րդ կետի պահանջներին:

2021 թվականի մայիսի 31-ին ՀՀ էկոնոմիկայի նախարարության, ՀՀ վարչապետի աշխատակազմի և «Այսոլուշնս» ՍՊԸ-ի միջև կնքվել է 18,534.00 հազ. դրամ (որից 3,089.0 հազ. դրամն ԱԱՀ) ընդհանուր արժեքով TPQI-G-3.1.2.2/R պայմանագիր՝ ՀՀ էկոնոմիկայի նախարարության և «Ստանդարտացման և չափագիտության ազգային մարմին» ՓԲԸ-ի համար դյուրակիր համակարգիչների գնման նպատակով:

Ըստ TPQI-G-3.1.2.2/R պայմանագրի մատակարարման ժամկետների և պայմանների վերաբերյալ 4-րդ կետի պահանջի՝ մատակարարումը պետք է ավարտվեր պայմանագրի ստորագրման օրվանից ոչ ուշ, քան 75 օրացուցային օրվա ընթացքում, մատակարարման ժամկետների և պայմանների 9-րդ կետի պահանջի՝ մատակարարված ապրանքների դիմաց պայմանագրի արժեքի 100% վճարումը պետք է իրականացվեր մատակարարման փաստաթղթերը ստանալուց ոչ ուշ, քան 30 օրվա ընթացքում:

2021 թվականի սեպտեմբերի 14-ի ապրանքների ընդունման հավաստագրով ՀՀ էկոնոմիկայի նախարարությունն ընդունել է «Այսոլուշնս» ՍՊԸ-ի կողմից մատակարարված սարքավորումները, այն դեպքում, երբ դրանց մատակարարման վերջնաժամկետ է սահմանվել է 2021 թվականի օգոստոսի 14-ը:

Արդյունքում՝ վճարումը կատարվել է 2021 թվականի հոկտեմբերի 18-ին՝ 4 օր ուշացումով:

Պայմանագրի մատակարարման ժամկետը լրանալուց 4 օր հետո՝ 18.08.2021թ., գնորդի ներկայացուցիչը դիմել է մատակարարին նշելով, որ մատակարարման վերջնաժամկետը ս.թ. օգոստոսի 14-ն էր, մինչդեռ ապրանքները չեն մատակարարվել: Մատակարարը նույն օրը իր գրությամբ պատասխանել է, որ հաշվի առնելով արտադրող ընկերության ծանրաբեռնվածությունը և COVID-19

համաճարակի տարածման և դրա դեմ ուղղված միջոցառումները, արտադրողը ի վիճակի չէ մատակարարել ապրանքը նշված ժամկետում և խնդրում է 30 օրացուցային օրով երկարաձգել մատակարարման ժամկետը: Գնորդը գրավոր հրահանգ չի տվել, ինչը նշանակում է, որ մատակարարը հնարավորության սահմաններում պետք է շարունակեր պայմանագրի շրջանակներում իր պարտականությունների կատարումը:

Հաշվեքննության օբյեկտի բացատրություն

Բացատրագրում Աշխատակազմի կողմից TPQI-G-3.1.2.2/R պայմանագրի պահանջների չպահպանման վերաբերյալ գրառում չի կատարվել:

Բացատրագրով ներկայացվել է պայմանագրի թերակատարման վերաբերյալ հետևյալ պարզաբանումը՝

Հայաստանի գերհամակարգչային համակարգի արդիականացման և տեղադրման պայմանագրի շրջանակում 2021թ-ի սեպտեմբերից պայմանագրի իրականացումը կասեցվել է, քանի որ մատակարարի առաջարկությամբ նախաձեռնվել էր կատարել պայմանագրի փոփոխություն, համաձայն որի վերջինս առաջարկել էր իր հաշվին փոխարինել գերհամակարգչի որոշակի առկա մոդուլները՝ առավել հզոր մոդելներով: Պայմանագրի փոփոխությունը ստորագրվել, ներկայացվել է մատակարարին 2022թ-ի փետրվարին և աշխատանքները վերսկսվել են:

Կիբեռանվտանգության ինկուբատորի կրթական լաբորատորիաների համար համակարգչային սարքավորումների մեծ մասը ժամանակին մատակարարվել և հանձնվել էր պատվիրատուին: COVID-19 համավարակով պայմանավորված, հետաձգվել էր պայմանագրով ամրագրված մոնիտորների արտադրությունը, ուստի կատարվել է պայմանագրի՝ ապրանքների մնացած մասի մատակարարման ժամկետների վերաբերյալ փոփոխություն, համաձայն որի նոր մոնիտորների մատակարարման ժամկետը տեղափոխվել է 2022թ-ի առաջին եռամսյակ: Պայմանագրի փոփոխությունը ստորագրվել է 2022 թվականի փետրվարի 7-ին, ապրանքները մատակարարվել են փետրվարի 24-ին:

Հաշվեքննողի մեկնաբանություն

Չեն պահպանվել ՀՀ էկոնոմիկայի նախարարության, ՀՀ վարչապետի աշխատակազմի և «Այսոլուշնս» ՍՊԸ-ի միջև կնքված TPQI-G-3.1.2.2/R պայմանագրի «Գնացուցակ և մատակարարման ժամանակացույց» բաժնի 4-րդ և 9-րդ կետի պահանջների կատարումը:

2. 1136 «ՀՀ վարչապետի լիազորությունների իրականացման ապահովում» ծրագրի 11011 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման

ծրագիր» միջոցառման 4521 «Սուբսիդիաներ ոչ պետական, ոչ ֆինանսական կազմակերպություններին» հոդվածով

առկա է անհամապատասխանություն Աշխատակազմի և «Հայաստանի պետական հետաքրքրությունների ֆոնդ» ՓԲԸ-ի միջև 15.05.2020 թվականին կնքված դրամաշնորհի հատկացման TPQI – ANIF – OP պայմանագրի 3.6 կետի պահանջին:

Միջոցառման շրջանակներում Աշխատակազմի և «Հայաստանի պետական հետաքրքրությունների ֆոնդ» ՓԲԸ-ի միջև 15.05.2020թ. կնքվել է դրամաշնորհի հատկացման TPQI–NIF–OP պայմանագիրը:

2021 թվականին «Հայաստանի պետական հետաքրքրությունների ֆոնդ» ՓԲԸ-ին վարկային ծրագրի միջոցների հաշվին կատարվող գործառնական ծախսերի նախահաշվով նախատեսվել են ծախսեր՝ ըստ բաղադրիչների, որոնք ներկայացվել է ստորև բերված աղյուսակում:

Աղյուսակ 2

Նախահաշվով սահմանված ծախսերն՝ ըստ բաղադրիչների

ԲԱՂԱԴՐԻՉՆԵՐ	Ծախս, հազ. դրամ		
	ՀԲ վարկային միջոցներից	ՀՀ համաֆին. միջոցներից	ԸՆԴԱՄԵՆԸ
Բաղադրիչ 1 գործառնական ծախսեր	283,555.00	155,931.68	439,486.68
Բաղադրիչ 2 ներկայացուցչություններ (Մոսկվա, Փարիզ, Աբու Դաբի)	225,915.00	153,365.32	379,280.32
Բաղադրիչ 3 սարքավորումների գնում, հաղորդակցման և PR կապերի իրականացում	109,250.00	21,850.00	131,100.00
ԸՆԴԱՄԵՆԸ	618,720.00	331,147.00	949,867.00

«Առևտրի խթանման և որակի ենթակառուցվածքների» (ԱԽՈԵ) վարկային ծրագրի կառավարիչը և «Հայաստանի պետական հետաքրքրությունների ֆոնդ» ՓԲԸ-ն 2022 թվականի փետրվարի 22-ին ընդունել են փոխադարձ հաշվարկների ակտ, որով արձանագրել են, որ 2021 թվականի հունվարի 1-ից մինչև 2021 թվականի դեկտեմբերի 31-ն ընկած ժամանակահատվածում «Հայաստանի պետական հետաքրքրությունների ֆոնդ» ՓԲԸ-ին իր պահպանման ծախսերը հոգալու համար՝ համաձայն պայմանագրի, փոխանցվել է 816,231.65 հազ. դրամ:

Այսպիսով՝ «Հայաստանի պետական հետաքրքրությունների ֆոնդ» ՓԲԸ նախահաշվով նախատեսված 949,867.00 հազ. դրամ ծախսերի դիմաց կատարվել են 816,231.65 հազ. դրամ վճարումներ:

2021 թվականի հուլիսի 1-ին ԾԿԳ-ն ներկայացվել է հունիս ամսվա ծախսերի հաշվետվությունը, ըստ որի հաշվետու ժամանակաշրջանում վարկային միջոցներից ծախսվել է 28,200.27 հազ. դրամ և ՀՀ կառավարության համաֆինանսավորման միջոցներից՝ 17,628.58 հազ. դրամ: Վճարման համար հուլիսի 6-ին ներկայացվել է 06/2021 հայտ, որով պահանջվել է ոչ թե հաշվետվությամբ ներկայացված գումարի չափը, այլ վարկային միջոցներից 14,387.61 հազ. դրամ: Հուլիսի 12-ին համապատասխան վճարման հանձնարարականով իրականացվել է վճարում:

Աշխատակազմի 2021 թվականի պետական բյուջեի տարեկան հաշվեքննությամբ ընդգրկված 1136-11011 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր միջոցառման» 4521 «Սուբսիդիաներ ոչ պետական, ոչ ֆինանսական կազմակերպություններին» հոդվածով «Հայաստանի պետական հետաքրքրությունների ֆոնդ» ՓԲԸ-ին վճարումների վերաբերյալ տեղեկանքում նշվել է, որ՝

Աշխատակազմի և «Հայաստանի պետական հետաքրքրությունների ֆոնդ» ՓԲԸ-ի միջև 2020 թվականի մայիսի 5-ին ստորագրված՝ Դրամաշնորհի հատկացման պայմանագրի շրջանակներում 06.07.2021թ. ներկայացված թիվ 06/2021 հայտին համապատասխան, ծրագրի վարկային միջոցներից 2021 թվականի հուլիսի 12-ին «Հայաստանի պետական հետաքրքրությունների ֆոնդ» ՓԲԸ-ին փոխանցվել է 14,387.61 հազ. դրամի վերջին կանխավճարը, որպես պայմանագրով 2021 թվականի բյուջեով նախատեսված գումարի վերջին հատկացում: Կանխավճարի 2,535.36 հազ. դրամի չօգտագործված մնացորդը 2021 թվականի դեկտեմբերի 30-ին ՓԲԸ-ն հետ է փոխանցել և գումարը մուտքագրվել է վարկային ծրագրի հատուկ հաշվին:

Քանի որ 2021 թվականի բյուջեով նախատեսված գումարներն արդեն փոխանցվել էին, 2021թ. հուլիս ամսից «Հայաստանի պետական հետաքրքրությունների ֆոնդ» ՓԲԸ-ն նախաձեռնել է վերոնշյալ Դրամաշնորհի հատկացման վերաբերյալ պայմանագրի փոփոխություն՝ ակնկալելով ավելացնել 2021 թվականի բյուջեն՝ ի հաշիվ 2020 թվականի բյուջեով նախատեսված, սակայն չօգտագործված գումարների: Սակայն, քննարկումներից հետո պայմանագրում փոփոխությունը չի կատարվել, որի պատճառով «Հայաստանի պետական հետաքրքրությունների ֆոնդ» ՓԲԸ-ն հուլիսից դեկտեմբեր ընկած ժամանակահատվածում հաշվետվությունները ներկայացրել է ուշացումներով:

Հաշվեքննվող օբյեկտի բացատրություն

«Հայաստանի պետական հետաքրքրությունների ֆոնդ» ՓԲԸ-ի նախահաշվով գործառնական ծախսերի համար նախատեսված և կատարված վճարումների մասով արձանագրված անհամապատասխանությունը «Հայաստանի պետական հետաքրքրությունների ֆոնդ» ՓԲԸ-ի կողմից գնումների գործընթացով պայմանավորված ծախսերը գործառնական ծախսերի մեջ ներառելու արդյունք է:

Հաշվեքննողի մեկնաբանություն

Աշխատակազմի կողմից հաշվետվությունների ժամկետների ուշացման վերաբերյալ բացատրությունը ներկայացվել է հաշվեքննության ընթացքում՝ համապատասխան տեղեկանքով:

3. 1136 «ՀՀ վարչապետի լիազորությունների իրականացման ապահովում» ծրագրի 11011 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր» միջոցառման 4521 «Սուբսիդիաներ ոչ պետական, ոչ ֆինանսական կազմակերպություններին» հոդվածով

Միջոցառման շրջանակներում Աշխատակազմի և «Ձեռնարկությունների ինկուբատոր հիմնադրամ»-ի միջև, կազմակերպության կանոնադրական նպատակների իրականացման աջակցության նպատակով, 2020թ. մայիսի 4-ին կնքվել է դրամաշնորհի հատկացման պայմանագիր:

Պայմանագրի առարկան վարկային համաձայնագրով նախատեսված պետական – մասնավոր գործընկերությունների (ՊՄԳ) և համաֆինանսավորվող դրամաշնորհների իրականացման նպատակով կազմակերպության գործառնական ծախսերի փոխհատուցումն է:

Պայմանագրով սահմանված չափով և կարգով կազմակերպությանը տրամադրվում է դրամաշնորհ գործառնական ծախսերի կատարման համար: Դրամաշնորհի գումարը կազմում է գործառնական ծախսերի ընդհանուր գումարը:

Յուրաքանչյուր տարվա համար կազմակերպությունը ծրագրի կառավարման գրասենյակին (ԾԿԳ) ներկայացնում է տարեկան նախահաշիվ:

«Ձեռնարկությունների ինկուբատոր հիմնադրամ»-ի 2021 թվականի համար Համաշխարհային բանկի «Առևտրի խթանման և որակի ենթակառուցվածքների» վարկային ծրագրի միջոցների հաշվին կատարվող գործառնական ծախսերի նախահաշվով նախատեսվել են ծախսեր ըստ բաղադրիչների:

Գործառնական ծախսերի տարեկան նախահաշվով վերոնշյալ բաղադրիչներով սպասվող ծախսերը և ըստ բաղադրիչների վճարված գումարները ներկայացվել են ստորև բերված աղյուսակ 3-ում:

Աղյուսակ 3

Գործառնական ծախսերի կատարման վերաբերյալ

ԲԱՂԱԴՐԻՉՆԵՐԸ	Ծախսերն ըստ նախահաշվի	Փաստացի ծախսերը	Կատարման %
Բաղադրիչ 1 «Ձեռնարկությունների ինկուբատոր հիմնադրամ»-ի գործառնական ծախսեր	71,251.04	63,946.46	89.7
Բաղադրիչ 2 Նորարարության զարգացման համաֆինանսավորող դրամաշնորհներ/ Մարզային զարգացման համաֆինանսավորվող դրամաշնորհների ենթաբաղադրիչի գործառնական ծախսեր	452,419.04	200,520.21	44.3
Բաղադրիչ 3 Նորարարության զարգացման համաֆինանսավորող դրամաշնորհներ/ Մարզային զարգացման համաֆինանսավորվող դրամաշնորհների ենթաբաղադրիչի գործառնական ծախսեր	116,109.00	102,081.49	87.9
Բաղադրիչ 4 Ազգային գերհամակարգչային կենտրոնի հիմնման ծրագիր բաղադրիչի գործառնական ծախսեր	178,265.75	13,066.05	7.3
Բաղադրիչ 5 Կիբեռ անվտանգության ինկուբատորի և հետազոտությունների և մշակումների (R&D) լաբորատորիայի հիմնման ծրագիր բաղադրիչի գործառնական ծախսեր	439,570.32	137,842.96	31.4
ԸՆԴԱՄԵՆԸ	1,257,615.15	517,457.17	41.1

Աղյուսակի տվյալները վկայում են, որ կազմակերպության տարեկան ծախսերը թերի են կատարվել:

Այսպես՝ նախահաշվով նախատեսված 1,257,615.15 հազ. դրամի փոխարեն տարեկան ծախսը կազմել է 517,457.17 հազ. դրամ: Թերի են կատարվել հատկապես «Ազգային գերհամակարգչային կենտրոնի հիմնման ծրագիր» բաղադրիչով նախատեսված գործառնական ծախսերը՝ 178,265.75 հազ. դրամի դիմաց դրանք կատարվել են 13,066.05 հազ. դրամի չափով, իսկ «Կիբեռանվտանգության ինկուբատորի և հետազոտությունների և մշակումների (R&D) լաբորատորիայի հիմնման ծրագիր» բաղադրիչով նախատեսված 439,570.32 հազ. դրամի դիմաց գործառնական ծախսերը կատարվել են ընդամենը 137,842.96 հազ. դրամի չափով:

Հաշվեքննվող օբյեկտի բացառություն

Աշխատակազմի և «Ձեռնարկությունների ինկուբատոր հիմնադրամ»-ի միջև կնքված պայմանագրի շրջանակներում դեռևս չի ավարտվել «Կիբեռանվտանգության ինկուբատորի և հետազոտությունների և մշակումների (R&D) լաբորատորիայի հիմնման ծրագիր» բաղադրիչի ներքո Ծրագրային լուծումների, սարքավորումների և ամբողջական լաբորատորիայի հիմնման համար անհրաժեշտ այլ պարագաների ձեռք բերման նպատակով գնումների գործընթացը, ինչպես նաև «Ազգային գերհամակարգչային կենտրոնի հիմնման ծրագիր» բաղադրիչի ներքո դեռևս Երևան չի տեղափոխվել Գերհամակարգիչը, ուստի այդ սարքավորումների շահագործման համար անհրաժեշտ ծախսեր դեռևս չեն իրականացվել, որոնք հանդիսացել են նշված բաղադրիչներով առկա թերակատարման հիմնական պատճառ:

4. 1018 «Պետական հատվածի արդիականացման ծրագիր» ծրագրի 32001 «Համաշխարհային բանկի աջակցությամբ իրականացվող Պետական հատվածի արդիականացման երրորդ ծրագրի շրջանակներում էլեկտրոնային կառավարման համակարգերի և սարքավորումների ձեռքբերում» միջոցառման 5129 «Այլ մեքենաներ և սարքավորումներ» հոդվածով

Հաշվեքննությամբ ուսումնասիրվել է 1018 «Պետական հատվածի արդիականացում» ծրագրի 32001 «Համաշխարհային բանկի աջակցությամբ իրականացվող Պետական հատվածի արդիականացման երրորդ ծրագրի շրջանակներում էլեկտրոնային կառավարման համակարգերի և սարքավորումների ձեռքբերում» միջոցառման 5129 «Այլ մեքենաներ և սարքավորումներ» հոդվածով 2021 թվականի ընթացքում կնքված պայմանագրերի շրջանակներում ոչ ռեզիդենտներին կատարված վճարումների համապատասխանությունը ինչպես ՀՀ օրենսդրությամբ, Համաշխարհային Բանկի ուղեցույցներով, այնպես էլ միջազգային հարկային համաձայնագրերով սահմանված իրավակարգավորումներին:

Պայմանագրի կողմ հանդիսացող օտարերկրյա ռեզիդենտ-մատակարարին տվյալ պետության մարմնից ներկայացված տեղեկանքը, այդ երկրի ռեզիդենտ լինելու վերաբերյալ, հիմք է հանդիսանում եկամուտների ստացման աղբյուրի /հարկային գործակալ/ մոտ առանց շահութահարկով հարկելու վճարում կատարելու համար, եթե այդ պետության հետ Հայաստանն ունի եկամուտների և գույքի կրկնակի հարկումը բացառելու և հարկումից խուսափելը կանխելու մասին համաձայնագիր:

Մինչդեռ Համաձայնագիրը կրկնակի հարկումը բացառելուց բացի ունի նաև հարկումից խուսափելը կանխելու գործառույթ: Խուսափելը հնարավոր է եկամուտների տրանսֆեր կիրառելիս, իսկ կանխումն ապահովելու համար համաձայնագրում հատկորոշված են տվյալ պետությունների իրավասու մարմինները,

երկու պետությունների կողմից միաժամանակ իր երկրի ռեզիդենտ ճանաչելու դեպքում գերակայությունը սահմանելու նրբությունները, մի պետության ռեզիդենտի՝ մյուս պետությունում շահութահարկով հարկելու առանձնահատկությունները:

Հատկանշական է, որ նշված հարցերի վերաբերյալ ՀՀ հարկային օրենսգրքում և վերը նշված միջազգային համաձայնագրերում տեղ գտած դրույթները տարբեր կերպ են սահմանված: Եթե այդ համաձայնագրերով հայաստանյան աղբյուրներից օտարերկրյա ռեզիդենտների եկամուտները պետք է հարկվեն, իսկ աղբյուրի մոտ հարկումը ՀՀ հարկային օրենսդրությամբ սահմանված է որպես հարկային գործակալների պարտավորություն, ապա այդպիսի եկամուտներ վճարող հարկային գործակալները պետք է ձևավորեն հարկային համաձայնագրերի կիրառման ունակություններ կամ օժտվեն հարկային մարմիններին տեղեկացման պարտականություններով, մինչդեռ այդպիսի պարտավորություն ՀՀ օրենսդրությամբ սահմանված չէ:

Հետևաբար՝ Հայաստանում առաջացած եկամուտների հարկումը իրականացնելու միջազգային հարկային համաձայնագրերով ամրագրված Հայաստանի իրավասությունը իրագործելու նպատակով, ՀՀ հարկային օրենսդրության բաղկացուցիչ մասերի՝ ՀՀ հարկային օրենսգրքի և միջազգային հարկային համաձայնագրերի միասնական և միատեսակ կիրառման առումով լիազոր մարմնի պաշտոնական պարզաբանման անհրաժեշտություն է առաջացել: Արդյունքում՝ ՀՀ հաշվեքննիչ պալատի կողմից կիրառվել է «արտաքին հաստատում» ընթացակարգը՝ ըստ որի 07.04.2022թ. կատարվել են հարցումներ՝ ՀՊԵ-165 գրությամբ ՀՀ ֆինանսների նախարարությանը, ՀՊԵ-166 գրությամբ ՀՀ ՊԵԿ-ին և որոնց պատասխանները 27.04.2022թ. դրությամբ չեն ստացվել:

5. 1136 «ՀՀ վարչապետի լիազորությունների իրականացման ապահովում» ծրագրի 11001 «Ծառայությունների, ծրագրերի համակարգում» միջոցառման 4111 «Աշխատողների աշխատավարձեր և հավելավճարներ» հոդվածով

Համաձայն ՀՀ վարչապետի 11.02.2021թ. թիվ 121-Ա որոշման՝ Աշխատակազմի հաստիքների թվաքանակը սահմանվել է 696 միավոր, որը ՀՀ վարչապետի 26.05.2021թ. թիվ 569-Ա որոշմամբ փոփոխվել է՝ կազմելով 692:

2021 թվականին ըստ ամիսների Աշխատակազմում թափուր հաստիքների թիվը տատանվել է 156-ից մինչև 170 հաստիքի միջակայքում: Վերջին եռամսյակում թափուր է եղել 160-170 հաստիք կամ 23%-ից 25%-ը:

Հաշվետու ժամանակահատվածում աշխատավարձի տնտեսված ֆոնդից տրվել է 288,932,23 հազ. դրամի պարզևատրում: Միայն դեկտեմբեր ամսին թվով 15 հրամանների համաձայն հատկացվել է 198,138.3 հազ. դրամի չափով

պարզևատրում, որի արդյունքում որոշ աշխատակիցներ տարբեր հրամաններով պարզևատրվել են մինչև 4 անգամ:

6. 1213 «Տեսչական վերահսկողության ծրագիր» ծրագրի 11001 «Առողջապահության ոլորտում վերահսկողության ծառայություններ» միջոցառման 4111 «Աշխատողների աշխատավարձեր և հավելավճարներ» հոդվածով

ՀՀ առողջապահական և աշխատանքի տեսչական մարմնի ղեկավարի 2020 թվականի մայիսի 20-ի թիվ 505-Լ հրամանի հավելվածի համաձայն՝ հաստատված հաստիքացուցակով հաստիքների թվաքանակը նախատեսվել է 340 միավոր: 2021 թվականի ընթացքում ՀՀ առողջապահական և աշխատանքի տեսչական մարմնում՝ ըստ ամիսների, թափուր հաստիքների թիվը տատանվել են 74-ից մինչև 104 հաստիքի միջակայքում: 2021 թվականի 4-րդ եռամսյակում թափուր է եղել 74-78 հաստիք, կամ 22%-ից 23%-ը:

Տարվա ընթացքում տնտեսման ֆոնդից հատկացվել է 102,819.45 հազ. դրամի պարզևատրում:

7. 1213 «Տեսչական վերահսկողության ծրագիր» ծրագրի 11007 «Սննդամթերքի անվտանգության բնագավառում վերահսկողության իրականացման ծառայություններ» միջոցառման 4111 «Աշխատողների աշխատավարձեր և հավելավճարներ» հոդվածով

ՀՀ սննդամթերքի անվտանգության տեսչական մարմնի ղեկավարի 2020 թվականի ապրիլի 20-ի N Կ78-Ա հրամանով հաստատվել է ՀՀ սննդամթերքի անվտանգության տեսչական մարմնի հաստիքացուցակը և սահմանվել է 302 հաստիքային միավոր:

2021 թվականի ընթացքում սննդամթերքի անվտանգության տեսչական մարմնում ըստ ամիսների թափուր հաստիքների թիվը տատանվել է 28-ից մինչև 36 հաստիքի միջակայքում, կամ 9%-ից 12%-ը:

Տարվա ընթացքում տնտեսման ֆոնդից հատկացվել է 71,823.10 հազ. դրամի պարզևատրում:

Հաշվեքննողի եզրակացություն

1136-11001 «Ծառայությունների, ծրագրերի համակարգում» միջոցառման 4111 «Աշխատողների աշխատավարձեր և հավելավճարներ» հոդվածի շրջանակներում

թափուր հաստիքների համալրման հարցի լուծման հետ կապված Աշխատակազմի պատասխանը ներկայացված է Հավելված 2-ում:

1213-11001 «Առողջապահության ոլորտում վերահսկողության ծառայություններ» և 1213-11007 «Սննդամթերքի անվտանգության բնագավառում վերահսկողության իրականացման ծառայություններ» միջոցառումների 4111 «Աշխատողների աշխատավարձեր և հավելավճարներ» հոդվածի շրջանակներում թափուր հաստիքների համալրման վերաբերյալ ներկայացվել է առաջարկություններ VIII բաժնում

8. 1136 «ՀՀ վարչապետի լիազորությունների իրականացման ապահովում» ծրագրի 11015 «Պետական աջակցություն Հայաստանի Հանրապետությունում և արտերկրում ներդրումային և ՊՄԳ ծրագրերի իրականացմանը» միջոցառման 4639 «Այլ ընթացիկ դրամաշնորհներ» հոդվածով

Ճշտված պլանով նախատեսված գումարը հատկացվել է համաձայն ՀՀ կառավարության 2021 թվականի մայիսի 27-ի «Հայաստանի Հանրապետության 2021 թվականի պետական բյուջեի մասին» օրենքում վերաբաշխում ու լրացում, Հայաստանի Հանրապետության կառավարության 2020 թվականի դեկտեմբերի 30-ի N 2215-Ն որոշման մեջ փոփոխություններ ու լրացումներ կատարելու և Հայաստանի Հանրապետության վարչապետի աշխատակազմին գումար հատկացնելու մասին» թիվ 881-Ն որոշման:

Հիմք ընդունելով ՀՀ կառավարության որոշումը՝ Աշխատակազմը 2021 թվականի հունիսի 14-ին «Հայաստանի պետական հետաքրքրությունների ֆոնդ» ՓԲԸ-ի հետ կնքել է «Պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին» No ՀՊՀԳ-21/1 պայմանագիր, որը տարածվում է 2021 թվականի հունվարի 1-ից հետո ծագած հարաբերությունների վրա և գործում է մինչև 2021 թվականի դեկտեմբերի 30-ը՝ մինչև կողմերի ստանձնած պարտավորությունների ամբողջ ծավալով կատարումը:

Պայմանագրի հավելված 1-ով ներկայացվել են իրականացվելիք 1 հիմնական և 3 լրացուցիչ միջոցառումները, որոնց վերաբերյալ տեղեկատվությունը ներկայացված է ստորև բերված աղյուսակում:

Աղյուսակ 4

Պայմանագրով սահմանված միջոցառումների վերաբերյալ

Հայաստանում ներդրումներ իրականացնելու առնչությամբ առնվազն 5 օտարերկրյա կազմակերպությունների հետ բանակցությունների արդյունքում հուշագրերի ստորագրում
Լրացուցիչ միջոցառումներ

Հայաստանի Հանրապետության արդյունաբերական մասշտաբի «Այգ-1» արևային ֆոտովոլտային ծրագրի շրջանակներում մրցույթի իրականացում
Հայ արտահանողներին դեպի արտերկիր արտահանման գործընթացին նպաստող առնվազն 1 կազմակերպության հետ բանակցությունների արդյունքում ստորագրված հուշագիր
Ներդրումային միջավայրի բարելավմանն ուղղված՝ «Բաժնետիրական ընկերությունների մասին» ՀՀ օրենքում և հարակից այլ իրավական ակտերում փոփոխություններ և լրացումներ կատարելու մասին օրենքների նախագծերի մշակում

ՀՀ ֆինանսների նախարարության հաշվետվությունների համակարգից (LSREP) արտահանված (ինչպես նաև ՀՀ կառավարության 881-Ն որոշմամբ սահմանված) Աշխատակազմի 2021 թվականի պետական բյուջեի ելքային ծրագրերի և միջոցառումների գծով արդյունքային (կատարողական) ցուցանիշների կատարման վերաբերյալ հաշվետվությամբ որպես արդյունքային ցուցանիշ արտացոլվել է միայն 1 հիմնական միջոցառում, իսկ լրացուցիչ միջոցառումների վերաբերյալ ոչ ֆինանսական ցուցանիշները չեն արտացոլվել (Պայմանագրի հավելված 4-ում առկա են նաև լրացուցիչ միջոցառումների ոչ ֆինանսական ցուցանիշներ), որի արդյունքում շահառուները չեն կարող ունենալ համապարփակ տեղեկատվություն ստանալու և միջոցառման կատարողականը լիարժեքորեն գնահատելու հնարավորություն:

Աշխատակազմի 2021 թվականի պետական բյուջեի ելքային ծրագրերի և միջոցառումների գծով արդյունքային (ոչ ֆինանսական) ցուցանիշների կատարման հաշվետվությունների վերաբերյալ

ՀՀ վարչապետի աշխատակազմի 2021 թվականի պետական բյուջեի ելքային ծրագրերի և միջոցառումների գծով արդյունքային (ոչ ֆինանսական) ցուցանիշների կատարման վերաբերյալ հաշվետվություններում հաշվետու ժամանակահատվածի ճշտված պլանով 63 ծրագրային միջոցառումների շրջանակներում ներկայացվել են 246 արդյունքային (ոչ ֆինանսական) ցուցանիշներ:

63 ծրագրային միջոցառումներից 6-ի գծով որևէ ոչ ֆինանսական ցուցանիշ սահմանված չէ, դրանք են՝


1136-11006 Արտասահմանյան պաշտոնական գործուղումներ, 1136-11007 ՀՀ պետական կառավարման մարմինների կողմից դիմումներ, հայցադիմումներ, դատարանի վճիռների և որոշումների դեմ վերաքննիչ և վճարեկ բողոքներ ներկայացնելիս՝ «Պետական տուրքի մասին» ՀՀ օրենքով սահմանված վճարումներ,

1136-11009 Արտասահմանյան պատվիրակությունների ընդունելություններ, 1136-11014 Աջակցության տրամադրում՝ նախորդ տարվա հարկային պարտավորությունների վճարման նպատակով, 1213-11009 Արտասահմանյան պաշտոնական գործուղումներ, 1223-12001 Մարդու իրավունքների Եվրոպական դատարանի վճիռների և որոշումների հիման վրա արդարացի ֆինանսական հատուցումների տրամադրում:

26 ծրագրային միջոցառումների գծով սահմանվել են միայն քանակական ոչ ֆինանսական ցուցանիշներ, 1 ծրագրային միջոցառման գծով՝ միայն ժամկետային, ինչը բավարար չէ ծրագրային միջոցառումների արդյունքների լիարժեք գնահատման:

Միայն 13 ծրագրային միջոցառումների գծով են սահմանվել և՛ քանական, և՛ որակական և՛ ժամկետային ոչ ֆինանսական ցուցանիշներ:

Առավել արժեքավոր՝ որակական ոչ ֆինանսական ցուցանիշների թիվը զգալի ցածր է՝ կազմելով ընդհանուրի 22 %-ը:



Հաշվեքննության օբյեկտի բացադրություն

Ծրագրային բյուջետավորման թափանցիկության ապահովման պահանջից ելնելով՝ 2022 թվականի ընթացքում արդեն իսկ նախատեսվել է պատասխանատու մարմնի հետ արդյունքային ցուցանիշների արդյունավետության շուրջ քննարկումը և անհրաժեշտության դեպքում ցուցանիշների վերանայումը:

Աշխատակազմի ներքին աուդիտի գործառույթի վերաբերյալ

Համաձայն «Հաշվեքննիչ պալատի մասին» ՀՀ օրենքի 5-րդ հոդվածի 4-րդ մասի 2-րդ կետի և 31-րդ հոդվածի 2-րդ մասի պահանջների՝ Հաշվեքննիչ պալատն իրավասու է ուսումնասիրելու հաշվեքննվող օբյեկտի ներքին աուդիտի համակարգի արդյունավետությունը: Այդ նպատակով Հաշվեքննիչ պալատը անհրաժեշտ տեղեկատվություն ստանալու համար 17.02.2022թ. թիվ ՀՊԵ-ԿԱ-30 գրությամբ դիմել է ՀՀ վարչապետի աշխատակազմին, որին ի պատասխան 15.03.2022թ. թիվ 02/17.4/7978-2022 գրությամբ (17 օր ուշացումով) հայտնել է, որ ներքին աուդիտի 2021-2023թթ. ռազմավարական և 2021 թվականի տարեկան ծրագրեր չեն կազմվել:

Համաձայն «Ներքին աուդիտի մասին» ՀՀ օրենքի 5-րդ հոդվածի 2-րդ մասի՝ ներքին աուդիտն իրականացնում են կազմակերպության կառուցվածքում գործող ներքին աուդիտի ստորաբաժանման կամ հրավիրված՝ Օրենքի 13-րդ հոդվածի 4-րդ մասի 5-րդ կետով նախատեսված ցանկում ընդգրկված անձանցից ընտրության միջոցով:

Օրենքի 5-րդ հոդվածի 3-րդ մասի համաձայն՝ հանրային հատվածի կազմակերպության ղեկավարն ապահովում է կազմակերպությունում ներքին աուդիտի համակարգի առկայությունը և գործունեությունը:

Հաշվեքննությամբ պարզվել է, որ Աշխատակազմի և «Էմ Զի Զի Կոնսալտ» ՍՊԸ-ի միջև 26.01.2021թ. կնքվել է ներքին աուդիտի ծառայությունների մատուցման ՈՀՀՎԱ-ԳՀԾԶԲ-21/7-1 պայմանագիր, որի 4.1 կետի համաձայն՝ մատուցման ենթակա ծառայության գինը կազմել է 6,000.0 հազ. դրամ: Այնուհետև՝ 22.12.2021թ. N2 համաձայնագրով պայմանագրի ընդհանուր գինը 5,400.0 հազ. դրամի չափով նվազեցվել է և սահմանվել 600.0 հազ. դրամ:

Աշխատակազմը և «Էմ Զի Զի Կոնսալտ» ՍՊԸ-ն, հիմք ընդունելով պայմանագրի կատարման վերաբերյալ 31.05.2021թ. դուրս գրված ՌԲ9801808607 հաշիվ վավերագիրը՝ կազմել են հանձնման-ընդունման N1 արձանագրությունը, համաձայն որի 600.0 հազ. դրամ վճարման ենթակա գումարի դիմաց կատարված ծառայությունը ներքին աուդիտի կանոնակարգի վերանայում է և փոփոխված տարբերակի ներկայացումը ղեկավարության հաստատմանը:

Արդյունքում՝ «Էմ Զի Զի Կոնսալտ» ՍՊԸ-ն միայն վերանայել և ղեկավարի հաստատմանն է ներկայացրել ներքին աուդիտի կանոնակարգը, սակայն տեխնիկական բնութագրով ներկայացվել են այլ պահանջներ ևս:

Եզրակացություն

2021 թվականի ընթացքում Աշխատակազմում ներքին աուդիտի համակարգը լիարժեք չի գործել: Չեն պահպանվել ներքին աուդիտի մասին օրենսդրությամբ սահմանված պահանջները:

**Աշխատակազմի 2021-2023 թվականների պետական միջնաժամկետ
ծախսերի ծրագրի և ՀՀ 2021 թվականի պետական բյուջեի հայտերի
հրապարակման վերաբերյալ**

«ՀՀ 2021-2023 թվականների պետական միջնաժամկետ ծախսերի ծրագրի և ՀՀ 2021 թվականի պետական բյուջեի նախագծերի մշակման շրջանակներում պետական մարմինների բյուջետային հայտերի կազմման և դրանք ՀՀ ֆինանսների նախարարություն ներկայացման» մեթոդական ցուցումների համաձայն՝ բյուջետային գործընթացի մասնակցայնությունը բարձրացնելու նպատակով, նախատեսվել է, որ պետական մարմիններն իրենց 2021-2023 թվականներին ՄԺԾԾ (ներառյալ՝ 2021 թվականներին պետական բյուջեի) հայտերը ՀՀ ֆինանսների նախարարություն ներկայացնելուն զուգահեռ պետք է հրապարակեն իրենց ինտերնետային կայքերում, որի կատարումը Աշխատակազմի կողմից չի ապահովվել:

Հաշվեքննվող օբյեկտի բացառություն

Վարչապետի աշխատակազմի 2021-2023 թվականների պետական միջնաժամկետ ծախսերի ծրագրերի հայտերի ինտերնետային կայք տեղադրելու վերաբերյալ դիտարկումն ընդունվել է ի գիտություն և այսուհետ կտեղադրվեն ինտերնետային կայքում:

**Հանրային հատվածի կազմակերպություններում հաշվապահական
հաշվառման նոր համակարգի ներդրման և արդյունավետ գործարկման
վերաբերյալ²**

Հաշվեքննիչ պալատի կողմից «Հանրային հատվածի հաշվապահական հաշվառման ստանդարտի ներդրման գործընթացի նկատմամբ» իրականացված հաշվեքննության շրջանակներում ուսումնասիրվել և գնահատվել է հանրային հատվածի կազմակերպություններում, այդ թվում նաև՝ ՀՀ վարչապետի

² «Հանրային հատվածի հաշվապահական հաշվառման ստանդարտի ներդրման գործընթացի նկատմամբ հաշվեքննության արդյունքների վերաբերյալ» ընթացիկ եզրակացությունը հաստատվել է ՀՀ հաշվեքննիչ պալատի 2022 թվականի փետրվարի 28-ի թիվ 66-Ա որոշմամբ <http://armsai.am/sites/default/files/program/2022/FN%20APSAS.pdf>

աշխատակազմում, ՀՀՀՀՍ ներդրման և հանրային հատվածի հաշվապահական հաշվառման նոր համակարգին (այսուհետ՝ Նոր համակարգ) անցման գործընթացը: Գնահատումն իրականացվել է՝ ուսումնասիրելով 2020 թվականի հաշվետու ժամանակահատվածի համար մշակված տեղեկատվության արդյունքները: Որպես արդյունք՝ վեր են հանվել այն առավել էական հիմնահարցերը, որոնց առնչությամբ լրացուցիչ քայլերի ձեռնարկումը կնպաստի ՀՀ վարչապետի աշխատակազմում Նոր համակարգի լիարժեք ներդրմանն ու հաշվապահական հաշվառման վարման գործընթացի բարելավմանը, մասնավորապես.

Պայմանով ստացված ակտիվների հետ կապված հետաձգված հասույթի որոշում

ՀՀՀՀՍ-ի համաձայն՝ պայմանով ստացված ակտիվները պետք է որոշվեն գործարքի ամսաթվի դրությամբ և այդ գումարի չափով պետք է ճանաչվի հետաձգված հասույթ: ՀՀ վարչապետի աշխատակազմի կողմից հետաձգված հասույթի գումարը ճանաչվել էր, սակայն ճանաչված հետաձգված հասույթի ամորտիզացումը չէր կատարվել հիմնական միջոցի մաշվածությանը զուգընթաց:

Փոքրարժեք և արագամաշ առարկաների հաշվառում

Փոքրարժեք և արագամաշ առարկաների հաշվառումն, ընդհանուր առմամբ, իրականացնում էին: Այնուամենայնիվ, ծախսագրված, սակայն շահագործման մեջ գտնվող փոքրարժեք և արագամաշ առարկաների հաշվառման ու արտահաշվեկշռային հաշիվների ձևավորման գործընթացում առկա էին որոշակի բացթողումներ:

Որպես գործակալ ստացված միջոցների հաշվառում

Չէր իրականացվում որպես գործակալ ստացված միջոցների հաշվառում:

Սույն հաշվեքննության շրջանակներում ուսումնասիրվել են 2021 թվականի հաշվետու ժամանակահատվածի համար մշակված միևնույն տեղեկատվության արդյունքները և դրանք համադրվել 2020 թվականի հաշվետու ժամանակահատվածի արդյունքների հետ: Ուսումնասիրության արդյունքում արձանագրվել է, որ վերոնշյալ հիմնահարցերը լուծում են ստացել, և հաշվապահական հաշվառման վարման համակարգը նախորդող հաշվետու ժամանակահատվածի համեմատությամբ բարելավվել է: Առկա են որոշ տեխնիկական բնույթի խնդիրներ, որոնց շտկման ուղղությամբ իրականացվում են հետևողական աշխատանքներ:

VII. ՀԵՏՀՍԿՈՂԱԿԱՆ ԳՈՐԾԸՆԹԱՑ

2021 թվականի պետական բյուջեի 3, 6 և 9 ամիսների կատարման հաշվեքննությամբ արձանագրվել է թվով 5 անհամապատասխանություն: Վերոնշյալի հետ կապված Աշխատակազմը համապատասխան գրություններով ներկայացրել է իր կողմից ձեռնարկված քայլերն անհամապատասխանությունների վերացման ուղղությամբ, որը ներկայացված է կից հավելված 1-ով:

Միաժամանակ՝ 2021 թվականին ըստ ամիսների Աշխատակազմում թափուր հաստիքների թիվը տատանվել է 156-ից մինչև 170 հաստիքի միջակայքում, որի հետ կապված 2021 թվականի պետական բյուջեի երեք, վեց և ինն ամիսների կատարման հաշվեքննությունների համապատասխան ընթացիկ եզրակացություններում առաջարկություն է ներկայացվել քննարկելու Աշխատակազմում թափուր հաստիքների առկայության նպատակահարմարությունը: Նշված առաջարկի վերաբերյալ Աշխատակազմը հայտնել է, որ Աշխատակազմի կողմից քննարկվում է մինչև 50 թափուր հաստիքային միավոր կրճատելու հնարավորությունը և իրականացվում են թափուր հաստիքների համալրման ընթացիկ աշխատանքներ (հավելված 2):

VIII. ԱՌԱՋԱՐԿՈՒԹՅՈՒՆՆԵՐ

1. Վերանայել 1213-11001 «Առողջապահության ոլորտում վերահսկողության ծառայություններ» և 1213-11007 «Սննդամթերքի անվտանգության բնագավառում վերահսկողության իրականացման ծառայություններ» միջոցառումների 4111 «Աշխատողների աշխատավարձեր և հավելավճարներ» հոդվածի շրջանակներում թափուր հաստիքների առկայության նպատակահարմարությունը:

2. Հետամուտ լինել Աշխատակազմում ներքին աուդիտի համակարգի առկայության և գործունեության լիարժեք ապահովմանը:

3. Ընթացիկ եզրակացությունում ներկայացված վերոնշյալ առաջարկությունների հիման վրա մշակել և հաստատել միջոցառումների ծրագիր, որը կպարունակի յուրաքանչյուր միջոցառման համար պատասխանատու ստորաբաժանում(ներ)ը և միջոցառման կատարման ժամանակացույցը:



Կարեն Առուստամյան

ՀՀ հաշվեքննիչ պալատի անդամ

5 մայիսի 2022 թվական

ՀՀ հաշվեքննիչ պալատ, Բաղրամյան փող. 19, ք. Երևան,

Հայաստանի Հանրապետություն

IX. ՀԱՎԵԼՎԱԾՆԵՐ
ԱՆՀԱՄԱՊԱՏԱՍԽԱՆՈՒԹՅՈՒՆՆԵՐԻ ԵՎ ԱՌԱՋԱՐԿՈՒԹՅՈՒՆՆԵՐԻ ԻՐԱԿԱՆԱՑՄԱՆ
ՎԵՐԱԲԵՐՅԱԼ

Հավելված 1

N	Անհամապատասխանություն	Ընթացիկ եզրակացության վավերապայմանները (էլ. հղում և էջ)	Վերացված է/վերացված չէ/ընթացքում է	Հիմնավորումներ (համաձայն Աշխատակազմի համապատասխան գրությունների)
1.	Չեն պահպանվել 1136-11011 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր» միջոցառման իրականացման շրջանակում Աշխատակազմի և «Ձեռնարկությունների ինկուբատոր հիմնադրամ», «Ներդրումների աջակցման կենտրոն հիմնադրամ», «Հայաստանի պետական հետաքրքրությունների ֆոնդ» ՓԲԸ-ի միջև կնքված դրամաշնորհի հատկացման վերաբերյալ պայմանագրերի 3.6 և 3.8 կետերի պահանջների կատարումը:	http://armsai.am/sites/default/files/program/2021/varc_hashx3.pdf Էջ 27	1. Վերացված է, 2. Ընթացքում է	1. «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր» միջոցառման «Ձեռնարկությունների ինկուբատոր հիմնադրամ» և «Ներդրումների աջակցման կենտրոն» հիմնադրամների դրամաշնորհային պայմանագրերում 28.07.2021թ. կատարվել են որոշ կետերի փոփոխություններ: Մասնավորապես Պայմանագրերի 3.3.1 կետերում հստակ նշվել է կազմակերպությանը տրվող ամենամսյա կանխավճարի չափը, իսկ 3.8 կետում նշվել է, որ չօգտագործված գումարի մասով նվազեցումը կատարվում է ամենամսյա կանխավճարի գումարից: Փոխվել է նաև կազմակերպությունների կողմից ներկայացվող կանխավճարի հայտի ձևակերպումը՝ մասնավորապես նախկինում կատարված ծախսերի փոխհատուցման հայտի փոխարեն ներկայացվում է հայտ՝ կանխավճար ստանալու համար: 2.«Հայաստանի պետական հետաքրքրությունների ֆոնդ» ՓԲԸ-ի դրամաշնորհային պայմանագրի փոփոխությունը ընթացքի մեջ է (երկրորդ կիսամյակում վճարումներ չեն կատարվել):
2.	Չի պահպանվել 1136-11011 «Համաշխարհային բանկի աջակցությամբ իրականացվող առևտրի և ենթակառուցվածքների զարգացման ծրագիր» միջոցառման իրականացման շրջանակում Աշխատակազմի և	http://armsai.am/sites/default/files/program/2021/varc_hashx3.pdf	Վերացված է	Աշխատակազմի և «Ներդրումների աջակցման կենտրոն» հիմնադրամի միջև կնքված դրամաշնորհային պայմանագրի 3.4 կետի պահանջի կատարման վերաբերյալ հայտնել են, որ Ծրագրերի իրականացման գրասենյակը զգուշացվել է հետագայում զերծ մնալ նմանատիպ խնդիրներից:

	«Ներդրումների աջակցման կենտրոն» հիմնադրամի միջև կնքված դրամաշնորհի հատկացման վերաբերյալ պայմանագրի 3.4 կետի պահանջի կատարումը:	Էջ 27		
3.	Չի պահպանվել 1223-11001 «Հայաստանի Հանրապետության շահերի ներկայացմանն ու պաշտպանությանն ուղղված փաստաթանական, իրավաբանական ծառայություններ» միջոցառման շրջանակում Աշխատակազմի և «STEPTOE & JOHNSON» ընկերության հետ կնքված պայմանագրի 5.1 կետի պահանջը:	http://armsai.am/sites/default/files/program/2021/varc-hashx3.pdf Էջ 27	Վերացված է	Աշխատակազմի և «STEPTOE & JOHNSON» ընկերության հետ կնքված պայմանագրի 5.1 կետով նախատեսված վճարման ժամանակացույցին անհամապատասխան կատարելու վերաբերյալ հայտնում են, որ Կողմերը քայլեր են ձեռնարկել պայմանագրի վճարման ժամանակացույցը փոփոխելու ուղղությամբ:
4.	Աշխատակազմի կողմից չի ապահովվել 1223-11001 «Հայաստանի Հանրապետության շահերի ներկայացմանն ու պաշտպանությանն ուղղված փաստաթանական, իրավաբանական ծառայություններ» միջոցառման շրջանակում Աշխատակազմի և «STEPTOE & JOHNSON» ընկերության հետ կնքված պայմանագրի 5.1 կետի պահանջի կատարումը՝ կապված վճարումների ժամանակացույցի հետ:	http://armsai.am/sites/default/files/program/2021/pm6.pdf Էջ 39	Վերացված է	Աշխատակազմի և «STEPTOE & JOHNSON» ընկերության հետ կնքված պայմանագրի 5.1 կետի պահանջի կատարումը՝ կապված վճարումների ժամանակացույցի հետ, հայտնել են, որ պայմանագրի 5.1 կետի համաձայն՝ դրամական միջոցների փոխանցումը կատարվում է Կողմերի կողմից ստորագրված Հանձնման-ընդունման արձանագրության և Կատարողի կողմից ներկայացված հաշվարկային փաստաթղթի հիման վրա՝ Պայմանագրի վճարման ժամանակացույցով (հավելված Գ) նախատեսված չափերով և ամիսներին: Ըստ Պայմանագրի հավելված Գ-ի վճարումները նախատեսվում էր կատարել 2020թ. ընթացքում, սակայն ծառայությունների դիմաց վճարումը հնարավոր չի եղել կազմակերպել 2020թ. ընթացքում պետական բյուջեի միջոցների սղության պատճառով: «STEPTOE & JOHNSON» ընկերության հետ ձեռքբերված համաձայնության հիման վրա վճարումն իրականացվել է 2021թ. փետրվարին: Ըստ այդմ անհրաժեշտություն է ծագել փոփոխել Պայմանագրի հավելված Գ-ն և այն համապատասխանեցնել փաստացի կատարված վճարման ամսաթվի հետ: 18.11.2021թ. կնքվել է Պայմանագրում փոփոխություն կատարելու վերաբերյալ համաձայնագիր N 1-ը:
5.	Աշխատակազմի կողմից չի ապահովվել 1136-11011 «Համաշխարհային բանկի աջակցությամբ իրականացվող առևտրի և	http://armsai.am/sites/default/files/program/2021/pm6.pdf	Ընթացքում է	Աշխատակազմի և «Ձեռնարկությունների ինկուբատոր» հիմնադրամին Պայմանագրի 3.3.1 կետով տրամադրվող ամենամսյա կանխավճարի

ենթակառուցվածքների զարգացման ծրագիր» միջոցառման շրջանակում Աշխատակազմի և «Ձեռնարկությունների ինկուբատոր» հիմնադրամի հետ 28.07.2021թ. կնքված «Դրամաշնորհի հատկացման վերաբերյալ 04.05.2020թ. պայմանագրում փոփոխություն կատարելու մասին» համաձայնագրի 1-ին կետի պահանջի կատարումը՝ կապված Պայմանագրի 3.3.1 կետով կազմակերպությանը տրամադրվող ամենամսյա կանխավճարի չափի պահպանման հետ:	am/2022/pm9.pdf էջ 42	114.328.0 հազ. դրամի չափը չպահպանելու վերաբերյալ դիտողությունը ընդունվել է ի գիտություն:
---	---	---

Հավելված 2

Առաջարկություն	Ընթացիկ եզրակացության վավերապայմանները (էլ. հղում և էջ)	Ընդունելի է /Ընդունելի չէ	Կատարված է /ընթացքում է	Հիմնավորում
Քննարկել Աշխատակազմում թափուր հաստիքների առկայության նպատակահարմարությունը:	http://armsai.am/sites/default/files/program/2021/varchashx3.pdf էջ 28 http://armsai.am/sites/default/files/program/2021/pm6.pdf էջ 40 http://armsai.am/sites/default/files/program/2022/pm9.pdf էջ 43	Ընդունելի է	Դեռևս կատարման ընթացքում է	Քննարկվում է մինչև 50 թափուր հաստիքային միավոր կրճատելու հնարավորությունը: Մինչույն ժամանակ, իրականացվում են թափուր հաստիքների համալրման ընթացիկ աշխատանքներ

Հավելված 3.

ՀՀ վարչապետի աշխատակազմի 2021 թվականի բյուջեի կատարողական

հազ.դրամ

Ծրագիր		Հաշվետու ժամանակահատվածի պլան	Հաշվետու ժամանակահատվածի ճշտված պլան	Ֆինանսավորում	Փաստ	Փաստացի ծախս	Կատարման փաստ % -ը ճշտված պլանի նկատմամբ
Ը Ն Դ Ա Մ Ե Ն Ը		27,329,118.80	26,026,300.03	24,212,727.50	23,702,459.53	23,463,229.75	91.1
1015	Սոցիալական փաթեթների ապահովում	-	132,192.00	102,847.95	102,287.13	102,263.13	77.4
1018	Պետական հատվածի արդիականացման ծրագիր	3,172,310.20	3,680,677.20	3,384,739.37	3,396,601.13	3,396,601.13	92.3
1033	Աջակցություն քաղաքական կուսակցություններին, հասարակական կազմակերպություններին և արհմիություններին	192,666.60	199,078.10	197,597.20	196,665.00	197,926.39	98.8
1045	Նախնական (արհեստագործական) և միջին մասնագիտական կրթություն	-	261.40	261.40	261.40	469.80	100.0
1091	Հանրային իրազեկում	751,320.80	564,320.80	564,320.80	564,320.80	549,778.24	100.0
1111	Բարձրագույն և հետբուհական մասնագիտական կրթության ծրագիր	168,321.70	170,797.60	166,777.50	166,777.50	168,298.40	97.6
1132	Քաղաքացիական ծառայողների վերապատրաստում	19,768.00	4,768.00	2,796.64	2,796.64	2,796.64	58.7
1136	ՀՀ Վարչապետի լիազորությունների իրականացման ապահովում	16,231,290.90	13,366,893.63	12,201,144.11	11,691,261.26	11,509,253.51	87.5
1155	Բնական պաշարների և բնության հատուկ պահպանվող տարածքների կառավարում և պահպանում	-	27,963.50	15,416.71	14,453.96	14,453.96	51.7
1156	Հայաստան-Սփյուռք գործակցության ծրագիր	815,930.60	359,435.60	325,590.82	323,616.26	323,328.78	90.0
1213	Տեսչական վերահսկողության ծրագիր	4,955,055.70	5,268,703.18	5,158,360.55	5,148,993.16	5,103,634.48	97.7

1214	Արդյունահանող ճյուղերի զարգացման ծրագիր	12,072.10	63,553.10	26,073.11	48,881.07	48,881.07	76.9
1221	Տոների և հիշատակի օրերի ծրագիր	190,000.00	-	-	-	-	0.0
1222	ՀՀ զարգացման գործընթացներում Սկիյուքի ներուժի ներգրավում	75,000.00	75,000.00	75,000.00	75,000.00	75,000.00	100.0
1223	Միջազգային դատարաններում, միջազգային արբիտրաժներում և այլ միջազգային ատյաններում ՀՀ շահերի ներկայացում և պաշտպանություն, դրանց կողմից ընդունված վճիռների և որոշումների կատարման ապահովում	745,382.20	2,112,655.92	1,991,801.34	1,970,544.22	1,970,544.22	93.3